

# NY VALOSOA

Gazety misohe intelo isan-kerinandro  
(Talata - Alakamisy - Sabotsy) VAOVAO

Alakamisy 3 septambra 2020

Laharana 1062

Vidiny : 400 Ar

Fivarotan-tena amin'ny aterineto 6

Tratra ilay ramatoa mpampiasa  
ireo tovovavy hivaro-tena

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

Me Olala sy Arlette RAMAROSON 8

Fitazonana tsy ara-drariny 3

Tsy fanakatonana orinasa izao  
avereno amin'ny asany ireo mpiasia

Marary mafy  
any am-ponja i Rolly Mercia



HETRA, INOSTRIA SY VAROTRA 7

Nakaton'ny fitondrana  
ihany koa ny AAA  
Magro Fianarantsoa



Resaka vola 7

Mijotso hatrany ny ariary,  
mananika ny 4600 Ar ny 1 euro

Akon'ny fanadinana CEPE 6

Nampisakafo ireo mpiadina  
ireo ben'ny tanàna TIM

Politika sy foloalindahy 2

Nodimandry ny ministra  
teo aloha Ndrianasolo

Daka kely

Aleo hiandry fitoniana koa zany ny jiolahy  
vao hiditra am-ponja ry Boaikely a !

Valanaretina coronavirus 4

1 no namoy ny ainy omaly, 65  
ny tranga vaovao, 50 no sitrana

| Centre de Commandement Opérationnel - COO - MERCREDI 02 SEPTEMBRE 2020 |        |       |       |
|--|--------|-------|-------|
| NOUVEAUX CAS   | 66     |       |       |
| QUÉES  | 13915  | CUMUL | 13965 |
| EN TRAITEMENT  | 844    | 859   | + 15  |
| FORMES GRAVES  | 42     | 42    | 0     |
| DÉCES  | 195    | 196   | + 1   |
| Nb. TESTS  | 58 946 |       |       |
| CONFIRMÉS  | 5 965  |       |       |
| NON CONFIRMÉS  | 51 981 |       |       |

## POLITIKA, IRD

## Fanaovana letrezana no politikan'ny antokon'ny fitondrana

Tsy mahay mandresy lahatra na tsy maharesy lahatra amin'ny adihetivitra samihafa, na eny anivon'ny antenimieram-pirenena, na ao anatin'ny vaomiera iombonana parlementera ivorianty ankehitriny ve ny vovaninan'ny antoko IRD, ka mizotra amin'ny lalana fanaovana letrezana na amboletra. Tsikaritra izany raha ny zavatra hita sy fomba fiteny ary ny fihet-sika tao anatin'ny favoran'io vaomiera manokana itambarana io. Avy dia tsapa ny amin'ny fihever-

Parlemanta

## Rava maina ny asan'ireo tao amin'ny «Commission mixte paritaire»



Ny favoriana tetsy Anosikely afak'omaly.

Afak'omaly no nanao tatra ireo Loholoni'i Madagaskara mpikambana ao amin'ny vaomiera iraisana isasahana (« commission mixte paritaire »), tao anatin'ny favoriana azon'ny besinimaro natrehana, mikasika ny favoriana izay niarahany tamin'ny solobavambahoaka, tao amin'ny Lapan'ny Antenimierandombololona. Araka ny tatra izay novakian'ny mpampaka-teny dia lanin'ny maro tamin'ny alalan'ny fananganan-tanana nandritry ny favoriana, fa amin'ny maha « ratification » ilay volavolan-dalàna laharana 001/2020 dia tsy manana fahefana (« incomptént ») ny han-dinika izany ny vaomiera iraisana isasahana. 8 tam'in'ny 14 no nandany izany, iray Solombavambahoaka ary 7 Loholoni'i Madagaskara. Ireo mpikambana temp-toerana ihany no nandray anjara

Raharahan-pirenena

## Mbola tsy misy valiny hatreto ny onitra ho an'ireo gadra politika

Dimy taona izay no nanao fangatahana ny amin'ny fanonerana ho an'ireo gadra pôlitika eto Madagasikara, hatramin'ny tao-na 2002 ireo voakasik'izany. Efa saiky feno avokoa ireo antotan-taratasy momba izany ary efa maro ireo dingana narahina momba izany. Efa nisy ny fangatahana fihaonana nataon'ireo solontena tamin'ny filoham-pirenena, efa nisy ny fangatahana tamin'ny praiministra ary efa nisy ihany koa ny fangatahana

fihaonana tamin'ny CFM, na Filankevity ny Fampihavanana Malagasy. Hatreto dia mbola nandamoka hatrany izay fihaonana izay, na dia efa fantatra aza fa misy onitra tokony haloa amin'ireo gadra pôlitika niharamboina tamin'izany fotoana. Manginy fotsiny ireo efa maty. Hatramin'ny fitondran'ny filoha Hery Rajoanarimampianina no mankaty dia mbola mitohy hatrany izay fangatahana izay. Ny Alatsinainy

sy Talata lasa teo dia efa nisy ihany koa ny fangatahana fihaonana tamin'ny filohan'ny Cfm saingy samy mbola miandry fandaminana avokoa. Andrasana arak'izany ny valin'izay fangatahan'ireo gadra pôlitika ireo izay, na dia efa an-taonany maro aza no niandry izany izy ireo. Nambaran'ireo gadra pôlitika ihany fa tsy norahariana mihitsy izy ireo satria raha toa ka ny are-tina coronavirus no nankaja teto Madagasikara

try ny dimy taona ngaran-gidiny. Porofo iray lehibe amin'izany ny fanaovana fididianana tamin'ny Novambra 2010. Fizarazana sy fisarham-bazana teo amin'ny vahoaka ny vokatr'izany, ary tsy nam-pandroso ny firenena, karnem-pokontany no anisan'ny nampiasaina nentina nandatsa-bato. Nilaza mazava izay fahapotehan'ny firenena izay, ary sarotra ny nanarina azy i Hery Rajoanarimampianina, raha vao niakatra teo amin'ny fitondrana.

**Sôh'son**

Politika sy foloalindahy

## Nodimandry ny ministra teo aloha Ndrianasolo

Nodimandry afak'omaly 01 septambra 2020 ny Capitaine de Frégate Ndrianasolo. Izy dia manambo-ninahitra miaramila tatsambo, ministra mpikambana tao amin'ny Governementa Tantely Andria-

nivo, nandritry ny fitondran'ny Filoha Didier Ratsiraka tamin'ny taona 1997-2002, izay nisananay ny ministeran'ny fiompana, talohan'ny navavotendry azy ho ministrity ny tanora sy ny fana-

tanjahantena taty aoriania. Miaramila sy mpanao politika ny tenany, isan'ireo tsy nivadika tamin'ny Amaly Didier Ratsiraka, voasambatra sy nogadraina noho ny disadisa politika nisy teto amin'ny Fire-

nena tamin'ny taona 2002 ireny. Ny gazety Ny Valosoa Vaovao dia mirary fiononana feno ho an'ny fianakaviany.

**Stefy****Ny Valosoa sy fakafaka**

## Tsizarizary ny fanomanana ny zaza sy ny tanora amin'ny ho aviny

Hanomana tanora ho tonga inona eto amin'ny firenena ity fitondrana ity ? Fiteny mandrakariva ary hatramin'izay ny hoe "Ny tanora no hoavin'ny firenena". Nipoapoaka mihitsy ny teny fanentanana natao tamin'ny fitondran'ny Amaly Didier Ratsiraka, ary lasa litania izany tamin'ny fotoan-andro nitondramy fa ny ankizy tamin'izany no tompon'ny taona 2000. Toa tsy izany loatra anefa ny zava-nitrange mandraka ankehitriny izay mbola misy dian-tanany ihany ao ambadiky ny fitondrana Rajoelina. Ito farany rahateo dia nilaza fa tsy tapaka ny miresaka aminy amin'ny resaka samihafa. Lasan-ko vavany fotsiny ny resabe natao izay nandrebirebena ny vahoaka Malagasy.

Ny fianarana no miantoka ny ho avin'ny zaza Malagasy. Tato anatin'ny roa taona nitondran-dRajoelina izao dia nisy fikorontanana hatrany ny fampianarana. Ny tamin'ny taon-dasa dia tena toy ny vay an-kandrina, ka sady maharary no mahame-natra. Teo amin'ny fanadinam-panjakana bakalorea no ntran-gan'izany izay nisiana fivoahan'ny laza adina mialoha ny fotoana ary niperitaka izaitiszy. Lasa nisy andiany na fanadi-nana faharoa tamin'ny taona iny. Niara-nahita ny fisehon'ny zava-nitrange tao anatin'izany ary mipetraka ho tantara ratsy eo amin'ny seha-pampianarana izany. Ny tena olana dia ny lentam-pahaizan'ireo mpianatra, na ireo afaka fanadinana voalohany na ireo faharoa. Tsy maintsy mbola miandry azy ireo ny sedra-panadinana sy ny lenta takiana amin'izany raha mbola handranto fianarana ambony. Mbola eo ihany koa ny lanjan'ny diplôman'izy ireo. Tsy maintsy hanohintohina na hanakorontana ny fiainan-koaviny mpianatra ireny izany any aoriania.

Hanao ahaona anefa ny fari-pahambonian'ny toe-tsain'ireo heverina ho avin'ny firenena ireo any aoriania any? Tato anatin'ny folo taona no novolavolaina tamin'ny fomba fiery sy notezaina tamin'ny fomba Maherihery setra zary nanamaivana ny soatovina sy ny tena maha Malagasy izy ireo. Nanomboka tamin'ny taona 2008-2009 nikotrehana ny fanonganam-panjakana izany ary nitohy tao anatin'ny tetezamita naharitra dimy taona. Tsy vitavita ho azy amin'izao ny zava-nitrange natao sy naseho ho hitan'ireo zaza Malagasy tamin'ireny fotoana ireny. Ankehitriny, mbola eo ihany ilay fihetsika sahisahy minia mandingana soatoavina maha Malagasy sy ny fisehosehoana haka tahaka ny any ivelany, fa tsy mifotora amin'ny faka lalina nian-dohan'ity firenena ity. Ilay fitsinjovana sy fiezahana hanamafy orina ny fihavanana eo amin'ny samy Malagasy sy ny mpiray tanindrazana tsy hita soritra mazava, fa lasa resaka manidina fotsiny ihany. Izany ve no hitaizana ireto hoavin'ny firenena? Amin'izao taom-pianarana tsy hita mazava fiafarâna izao, ka hirosoana eo ny fanadinana samihafa, dia mbola mitohy ny olana. Efa niaraha-nahita tsara iny ny fahatapatapahan'ny fampianarana tao anatin'ny enim-bolana nidiranao tao amin'ny hamehana ara-pahasalamana. Tsy mbola tafavoaka ny alan'ny krizi ara-pahasalamana amin'ny ady amin'ny fihanaky ny valanaretina ny firenena. Hirosoana anefa ankehitriny ny fanadina. Nambara ofisialy fa nofoanana ny taranjam-panadina ara-panatanjahantena amin'ny fanadinana Bepc sy ny Bakalorea. Izany dia midika tsotra izao fa nohamaivana ity taranja ity, mohatra amin'ny taranja hafa. Izany hoe, maivan-danja mohatra amin'ny taranja mampiasa saina ny taranja ara-patanjahantena. Midika izany, fa ny ara-tsaina ihany aloha no nojerera, fa ny ara-batana afaka mijanona.

Ny fanabeazana ny zaza sy ny tanora Malagasy dia tsy mianona amin'ny ara-tsaina fotsiny ihany, fa eo koa ny ara-batana. Ny fanabeazana dia miompana amin'ny lafiny ara-batana, aratsaina ary ara-panahy. Izay no maha olona ny olona. Raha misy mandringa ny fanabeazana an'ireo lafiny telo ireo, dia mandringa izay ny fanabeazana azy, ary sarotra ny hanantena hanana olom-banona any aoriania. Efa miezaka manao izany tokoa ireo sekolim-pinoana, izay manome lanja ireo lafiny telo ireo amin'ny ankapobeny mandritry ny taom-pianarana. Ny an'ny sekoly tsy miankina tsy ara-pinoana kosa dia mijanona amin'ireo roa ihany amin'ny ankapobeny, ary toy izay ny any amin'ny sekolim-panjakana. Azo saintsainina araka izany ny fanabeazana azon'ireo zaza Malagasy raha mivoaka ny sekolin'izy aorian'ny nahazoany ny diplôman'ny bakalorea. Izay azony avy amin'izany no mitondra azy eo amin'ny fiaianany raha nianona tamin'ny fianarana amin'ny sekoly ambony. Hanantena vokatra toy inona anefa ny firenena raha misy fahabangana ireo lafiny telo amin'ny fanabeazana ilaina ireo? Ny fitondrana ankehitriny dia tsy manana tondro mazava ny amin'ny tanjona tiana hotratrarinia amin'izany. Tsy ao anatin'ny paik'ady nofaritany hatrany am-piandohana ny amin'izay lalana sy fomba azo antoka hananana tanora vanona tena hoavin'ny firenena tokoa any aoriania, ka hanandratra azy tsy ho mena-mitaha amin'ny hafa. Ny fomba fiasany ankehitriny dia azo itarafana izany tsara.

**Radafy**

## Ny Valosoa sy hadihady

**Tsy hitan'ny fitondrana izay hamahana ny olam-bahoaka mifangiditra**

**M**iha-sarotra hatrany fizotran'ny fiainan'anda-vanandron'ny mponina amin'izao fotoana izao. Ho an'ny vahoaka dia tsy any amin'ny ady amin'ny fihanaky ny valanaretina loatra intsony ny manahirana sy atahorany. Eo rahateo ny zavamisy isan'andro iainany amin'ny fanenjehana ny fizarana ny fanampiana, na ara-bola io, na ara-tsakafo misy vary amin'ny gony sy menaka, sns..., ka itanganorana sy ifanotofana tsy hanajàna ny elanelana intsony. Efa lasa fiaianany ireny ary zary tsy misy akony ratsy amin'ny fahasalamany, fa samy mbola miriaria mifankahita avokoa ny rehetra aorian'ny fitangoronana na ny fifanosehana natao. Tsy any ny olany, fa ny tena manahirana azy dia ny olana aratsakafo, ny hisian'ny vola ao anaty kitapom-bolany, ary indrindra ny fiarovana azy amin'ny tsy fandriampahalemana. Ity farany dia tena mirongatra ato ho ato, ary tsy atao hahagaga, satria misesho endrika amin'izay ny fiantraikan'ny fahasahiranana lalina sy ny fahantrana vokatry ny fahaverezan'asa na ny fiavelomana sy ny olana ara-tsosialy maro samihafa.

Tsy ny eny amin'ny vohitr'itaosy ihany akory no lasa faritra mena, fa efa saiky ny faritra maro manerana ny renivohitra sy ny manodidina rehetra mihitsy. Raha ho an'ity vohitra nambara no itarafana ny zavamisy, dia tsikaritra ny fanaovana an-tandrevaka ny fitandroana ny tsy fandriampahalemana. Nisy mihitsy ny fahabangana any amin'ireo "poste avancée"-ny polisy napetraka any amin'ireo kaomina eny ary tsy hita intsony ny fisafona fanaon'izy ireo teo aloha. Nanomboka tamin'ny nidirana tamin'ny hamahana ara-pahasalamana izany.

Mifamatotra avokoa ny zava-misy eo amin'ny fiaianana andavanandron'ny mponina. Maivana ny het-sika ataon'ny fitondrana manoloana izany. Mihari-hary rahateo ny tsy fahavitan'ny fitondrana mitsinjo ny mponina rehetra ao anatin'izao krizy ara-tsosialy izao, mihalalina eto amin'ny firenena izao. Fitondrana tsy mahavaha ny olam-bahoaka.

Sôh'son

Raharaha-pirenena

**Préfet de Police mpanampatra fahefana sy ny momba azy**

Manoloana ny zavamitraga eto Antananarivo Renivohitra dia zava-dehibe ny tokony hahafantarana ny endrik'ireo rafitra nitondrana ny Tanànan'Antananarivo nandritra ny repoblika nifandimby.

Tamin'ny Repoblika voalohany :

Nofidian'ny vahoaka mivantana ny mpanolotsainan'ny tanàna, ary ireo mpanolotsainan'ny tanàna no mifidy ny ben'ny tanàna, ny Pasitera Andriamanjato Richard no ben'ny tanàna voafidy hatrany tamin'ny repoblika voalohany.

Fa ankoatran'ny olomboafidy dia nisy ny antsoina hoe (DGG) na «Delegué Général du Gouvernement», solontenan'ny fitondrana mitovy laharana amin'ny ben'ny tanàna, Raveloson Clément no anaran'ny DGG farany ary nisy koa ny Préfet na Lehiben'ny Fileovana, izay mbola notendren'ny fitondrana ihany koa.

Marihina fa tamin'ny repoblika voalohany dia boriborintany dimy no nisy tetra Antananarivo, fa Ambohimarina dia kaominina ivelan'Antananarivo Renivohitra.

Nony nitranga ny 13 Mey 1972, niova ny rafitra satria Governora miaramila no nitondra ny tanàna, tsy izy io fa ny Komandà Rabetrano, izy no nisahana ny andraikitry ny ben'ny tanàna, Andriamatoa Ratrino Emile no Lehiben'ny fileovana.

Tamin'ny Repoblika fahao : Nalevina ny voambolana

hoe ben'ny tanàna, mpanolotsainan'ny tanàna, boriborintany, fileovana sns... fa nosoloina sampanteny avy amin'ny fokontany.

Mitovy amin'ny fomba nifidianana ny teo aloha ihany no niseho, nifydly mivantana ny mpikambana ao amin'ny komitin'ny fivondronampokontany ny vahoaka tany amin'ny fokontany, dia ireo komity voafidy no mifidy ny Lehiben'ny fivondronampokontany, izay mifehy mivantana ny fivondronampokontany, na ireo boriborintany teo aloha, nisy ihany koa ny Delegen'ny fivondronampokontany izay notendren'ny fitondrana, ary ny Lehiben'ny fivondronampokontany izay mitovy laharana amin'ny Ben'ny tanàna ankehitriny dia fidian'ireo komitin'ny fivondronampokontany, izaynofidian'ireo komitin'ny fivondronampokontany, fa ankoat'reo dia mbola nisy ny Delegen'ny fivondronana notendren'ny fitondrana ihany koa.

Randriananja Charles sy Rakotovao Andriantiana samy olon'ny Akfm-Kdrsm no nifandimby nitondra ny Tanànan'Antananarivo Renivohitra tamin'ny fiodohan'ny repoblika fahao, fa taorian'ny fivakiana teo amin'ny Akfm ny taona 1989 dia lasan'ny Arema ny fitantanana ny tanàna na ny tany amin'ny fivondronana, ka Razanamasy Guy Willy avy amin'ny Fikambanana larivo Mandroso no natolotry ny Arema hitondra ny renivohitra. Notendren'ny Filoha Ratsiraka Didier ho Praimni-

sitra Andriamatoa Razanamasy Guy Willy tamin'ny fitondrana tetezamita ny taona 1991, nohamafisin'ny « Fifanarahanana 31 Oktobra » teny amin'ny Panorama izany fahefana izany, ka Andriamatoa Andrianjafy Desirè Lalao no notendrena ho Lehiben'ny Delegaciona Manokan'ny Tanànan'Antananarivo Renivohitra. Marihina fa nanomboka tamin'ny repoblika fahao dia nikambana tamin'ny Antananarivo Renivohitra ny Kaomina Ambohimarina, ka nantsoina hoe fivondronampokontany fahae-nina.

Tamin'ny Repoblika fahao : Natsangana tamin'ny maty indray ireo voambolana efa nalevina tamin'ny repoblika fahao toy ny hoe; Ben'ny Tanàna, mpanolotsainan'ny tanàna, boriborintany, sns... fa nalevina ny hoe fivondronampokontany, fivondronampokontany, ny fokontany sisina notazonina.

Ny nampiavaka ny Repoblika fahao dianofidian'ny vahoaka mivantana ny ben'ny tanàna sy ny mpanolotsainan'ny Tanàna, nifidianana misaraka tamin'ny taona 1995, 1999, 2003, 2007, 2019, fa tamin'ny taona 2015 dia nifidianana tamin'ny latsa-bato mikambana ny ben'ny tanàna sy ny mpanolotsainan, ka ny ben'ny tanàna no loha-listra, izay no nhatonga ireo kandida ben'ny tanàna lasa mpanolotsainan'ny tanàna. Fa napetraka ho an'ny Tanànan'Antananarivo Reni-

vohitra ny sata manokana nanomboka tamin'ny Repoblika fahao dia ny fisian'ny « Préfet de police », tompon'andraikitra tendren'ny fitondrana ary mitovy amin'ny fahefana nanan'an'ny « DGG » tamin'ny repoblika voalohany, marihina fa tsy mpitandro filaminana ny « préfet de police » fa Administratera sivity teo am-piandohana fa ankehitriny dia manamboninahitra Jeneraly avy ao amin'ny tafika no misahana ny andraikitra.

Nanomboka tamin'ny fitondrana-dRamatoa Lalao Ravalomanana ny tanànan'Antananarivo Renivohitra no tena niseho ny fanaparampahefana na-taon'ny « Préfet de police » ary mbola mitohy izany ankehitriny amin'ny alalan'ny fanaovana antsojay amin'ny MBS, ALMA, sns... sy ny fanomezana rariny ny ben'ny tanàna mpan-drava tsena ary indrindra ny fanaovana tsinontsionna ireo mpanolontsainy tanànan'Antananarivo avy ao amin'ny antoko Tiako i Madagasakara.

Niniana notaterina teto ny endrik'ireo rafitra nifandimby nitondrana ny tanànan'Antananarivo, nisy hatrany ny olomboafidy ary nisy foana koa ireo olomboatendrin'ny fitondrana, saingy toa afaka niaraniisa ara-dalàna ihany ny tany aloha tany, fa ny amin'izao fotoana izao dia nababarin'ny « préfet de police » amperin'asa fa izy dia olona mahatoky ny fitondrana, izay no iraka nampiandraiketina azy.

Ny Valosoa

**FITAZONANA TSY ARA-DRARINY****Marary mafy any am-ponja i Rolly Mercia**

Marary mafy ao Antanimora amin'izao fotoana ny ministra teo aloha Rolly Mercia, na Harry Laurent Rahajason, izay sady mpanao gazety. Raha ny loharanombaoao azo ankehitriny dia efa mankahery tena ny fianakavian' i Rolly Mercia, Minisitry ny serasera teo aloha. Reraka, sady marary mafy any am-ponja ity farany araka ny taratasy mahakasika ny fizaham-pahasalamany. Manoloana io dia mbola mangataka ny famoahana azy vonjimaika hatrany noho izao antony ara-pahasalamana izao ny fianakaviany. Manamafy izany fangatahana izany any amin'ny Filoham-pirenenena Andry Rajoelina izy ireo, mba hamelana an'i Rolly Mercia hitsabo tena. Ahiana tanteraka ny ain'io ministra teo aloha io ankehitriny, raha ny angom-baovao azo hatrany.

Helisoa



Ny ministra teo aloha, Rolly Mercia.

TONONKALO

**FITONIANA SA FAHAMEHANA ?**

Rehefa iarovana ireo olona ao anaty fitondrana, Dia dradraina fa ilaina ilay atao hoe "fitonianan" ? Amboamboarina daholo hatramin'ny didy aman-dalàna, Ho fanavotana ny akama izay misedra fitoriana ?

Aoka hilamina ,hono, mantsy fa ao anaty "fahamehana", Ka aleo hangina kely ny adiady sy ny sisa. Dia novoizina ny hoe : tsy ilaina ny fifanenjehana, Kanjo ,indrisy, teny ihany , miharo fampandriana adriza !

Fomba ratsy toy izany no itondrana firenena ? Ny fiarovana ny ratsy , izay no tena ifotorana ? Mbà misaina vetivety dia meteza handini-tena, Sao dia 'zao ilay kilasiana ho "fitondrana fozaorana" !

Rehefa entina handavo ny olona tsy tiana kosa, Dia dradraina, arangaranga ilay atao hoe "fahamehana" ? Ka na mafy ny "krizy" , ny orinasa mihaosa, Dia tsy misy fiantrana fa atao ny fanenjehana ?

Mpiasa maro no hiato , tsy afaka hanohy intsony, Fa ny atao hoe "maha olona" dia odiana tsy jerena ? Sao i Dada no tsy tiana sy halanao mpitondra ambony, Ka ny mpiasa efa mahantre no hizaka ny hagegena ?

"Fitonianan" , "fahamehana" , ampiasaina fahatany Mba hijarovana ny seza sy hanaovana hadalana ? Anao angamba "ny omaly", mety mbola anao "ny androany" Saingy raha "ny ampitso" kosa dia tsy anao fa miomàna !

Raha mitsiry mantsy ny hazo ka mitombo, mihalava, Dia mihevitra ny maro fa ho tratrany ny lanitra. Saingy nolinfy ihany ny an'ireo izay avo vava Fa ny tompon-teny farany dia tsy iza fa Andriamanitra !


TSIMIMALO (02-09-20)

## VALANARETINA CORONAVIRUS

## 1 no namoy ny ainy omaly, 65 ny tranga vaovao, 50 no sitrana

A raka ny tarehi-marike nivoaka avy eny amin'ny CCO covid 19 Ivato omaly, 1 no namoy ny ainy no valanaretina coronavirus teto amintsika. Arak'izany, 196 hatreto no lavo noho ity valanaretina ity. 65 ny tranga vaovao, noho izany, 15023 no nitondra sy mitondra ny tsimokaretina corona eto Madagaskara. 50 no sitrany, ny totalin'ny sitrana hatramin'ny faha-20 martsa 2020 izany dia 13965. Ireo mbola marary mafy noho ity areti-mandoza maneran-tany ity kosa dia 42. Manentana hatrany ny rehetra ny gazety hanaja ny fepetra ara-pahasalamana satria mbola tena mameley eto amintsika ny valanaretina covid 19.

Naina



Ny tarehi-marike avy eny amin'ny CCO covid 19 Ivato omaly.

Tsy fanajàna ny « geste barrière »

## Mampitangorona vahoaka isan'andro etsy sy eroa ny fitondrana

Ny fitondrana ihany no mampianatra sy mitarika ny vahoaka tsy hiasa saina amin'ny "geste barrière" na ireo fepetra ara-pahasalamana, izay apertrany amin'ny ady amin'ny fihanyak ny valanaretina covid-19. Saiky isan'andro dia misy hatrany ny filaharam-be eny amin'ny faritra sy fokontany maro samihafa indrindra eto an-

drenivohitra. Efa andro maro izao no milahatra vao maraina ny eny amin'ireny toerana ireny miandry ny fanampiana fitsin-jovana azy ireo. Vahoaka aman-jatony maro na matratra amin'arivony mahery mihitsy aza no mitandrahatra haka ny anjarany. Mazava loatra, fa efa misitraka hatrany izany ireny mahazo ireny satria misy

ny tsy hahazo mihitsy hantrany am-boalohany izany, na dia sahirana mafy sy marefo aza, vokatr'izao krizy na hamehana ara-pahasalamana efa ho enim-bolana izao. Hita amin'ireny filaharam-be ataon'ny vahoaka ireny fa tsy voahaja intsony mihitsy ilay elanelana 1 metatra, na ny fmetrahana aron-tava amin'ny toerany tokony ho izy, izay nambara mandrakariva fa fepetra ilaina amin'ny fiarovan-tena sy ny hafa manodidina. Moa tsy hisarika ny sain'ny maro izany hilaza sy hihevitra fa inona intsony no mbola ilàna ny hamehana ara-pahasalamana eto amin'ny firenena? Amin'ireny toerana ireny dia ahitana zandary na polisy mpitandro filaminana, ary mifanosona amin'ny vahoaka mihitsy aza izy ireo, toy ny hita teny Anosizato ny Talata lasa teo. Izany hoe, na izy ireo aza dia mikimpy sy mijery fotsiny izay tsy fanajàna ny fepetra napetraka mandritra izao krizy ara-pahasalamana izao. Azo lazaina ho solontenam-panjakana anefa izy ireny ary mbola eo koa manampy azy ireo ny

Radafy

tomponandraikitra avy amin'ny fokontany sy ny kaomina ary ny mpizara ny fanampiana. Tsy teny amin'ny toerana nanaovana ny fizarana ny fanampiana ihany no nisian'izany filaharambe sy fitangorona izany fa hatreny amin'ny biraom-pokontany ihany koa.

Ankoatra izay rehetra izay, dia mbola hita ihany koa ny fitangorona ny talata teo teny amin'ireo foibem-panadinana maro samihafa tamin'ny fanadinana Cepe. Nifangaro ny kilonga madinika mpiadina sy ny ray aman-dreny izay nitondra ny zanany hiatrika ny fanadinana. Nanomboka teo am-bavahady niandrasana ny fisokafan'ny vavahady izany sy nandritry ny fisakafoanana atoandro ary ny fitsenana azy ireo avy navahita ny fanadinana. Tsy misy intsony araka izany, ny ahitana taratra fa mbola ao anaty hamehana ara-pahasalamana ny firenena raha tarafina amin'ireny zava-misy ireny. Ny fitondrana ihany no mitarika ny vahoaka tsy hanaja ny fepetra ara-pahasalamana.



## Mazotoa mihira

Hira kaloina amin'ny gitara indray no atolotra anao mpamaky amin'ny anio ity, koa mazotoa mihira araka ny lohatenin'ny lahatsoratra.

## AZA OMENA TSINY

**Mpamorona sady mphira : Razilinah na Ranaivo Gilbert**



Aza omena tsiny  
Fa vahiny  
Aza arahin-tody  
Fa tsikirity momba fody  
Tena adala  
Tsy mba nahalala  
O'o o aza omena tsiny  
Fa resy izaho ankehitriny

Raha nampoiziko  
Fa nisy fandrika ny lalako  
Dia naleoko  
Niova toerana nodiaviko  
Raha nampoiziko  
Fa nisy fintana eo alohako  
Dia naleoko  
Lalankafa no nizorako  
Aza omena tsiny .....

Fa resy izaho ankehitriny

## Sakafo Ny Valosoa



Kitoza kisoa indray no laoka amin'ny Sakafo eto amin'ny gazetinao androany. Tsara raha hasiana la-sary voatabia koa ampiarahana aminy. Dia mazotoa homana tomoko.

## NY VALOSOA sy Mahasoa

## Fomba natoraly fampihenana vatana

Fomba natoraly fampihenana vatana indray no Mahasoa eto amin'ny gazetinao androany. Ao anatin'ny herinandro fotsiny dia mety ho lasa mihena 4 kg ny vatanao matavy. Torohevitra:

IREO ZAVATRA ILAINA : -1 Mananasy masaka tsara, 5 Voasary makirana (citron) - 2 Sakamalaho lehibe (gingembre).

FIKARAKARANA\_AZY : - tete hina miaraka amin'ny hodiny rehetra ilay mananasy sy ny citron ; ary totohina na tete hina manifibe ny sakamalaho. -Hampangotra amin'ny rano 3l mandritry ny 20 min na 25 min eo ho eo vao esorina. Saronana tsara amin'ny sarony mba tsy lasan-drivotra ireo tsirony. Rehefa mangatsiaka dia sotroy vera iray (1) ny maraina sy vera iray (1) ny hariva alohan'ny sakafo, ka atao isanandro ilay izy, tsy hajanona raha tsy tapitra ny rano 3 litatra iny, andramo fa ho afaka ireo tavy amin'ny vatanao.

Fanamarihina: raha dia mbola tsy matavy ny vatanao nefo ianao tia sakafo matavy dia afaka misotro rano tambavy io ihany koa , mba hisorohana an'izany.




## Citron



## NY VALOSOA sy Mahaliana

## Ny tanànan'i Bevonotra any amin'ny distrikan'i Sambava, faritra Sava

Ny tanànan'i Bevonotra, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitra ny kaominina Bevonotra 351 m ny haavy-miohatra amin'ny ranomasina. Any afovoany atsinanan'ny faritra Sava no misy azy. Toy ireo kaominina any amin'ny distrikan'i Sambava, mpamokatra ny vokatra fanondrana lavanila ny mponina any amin'ity tanàna.



Ny fitangorona teny Ankaraobato tamin'ity herinandro ity.

F.N.E.P SY NY BEPC ARY NY BACC

# Tokony hampitovian'ny fitondrana amin'ny taranja hafa ny EPS

Naneho ny tsy faharesen-dahatra amin'ireo teboka 4 izay nanosika ny fitondram-panjakana hanaoanana ny fanadinana ara-panatantan-jahantena Bepc/Bacc, ho an'ny taom-pianarana 2019-2020 ny FNEP (Federation Nationale pour l'Education Physique), na fivondronan'ny mpisehatra amin'ny fanabeazana ara-batana sy ara-panatanjahantena eto Madagasikara. Voalohany, efa na-nomanana ny taranja EPS nanomboka tany amin'ny kilasy faha 6 (Adina Bepc) sy ny kilasy « Seconde » (Adina Bacc) ny mpia-dina hoy Andriamatoa Razafindrantandra Seraphin, mpitondra tenin'ny F nep, noho izany tsy mitombina ny filazana fa tsy ampy ny fanomanan'ny mpia-dina hiatraka ny fanadinana EPS. Ankoatra izany efa nano-mana sy namolavola ny mpia-natra hahavita fanazarantena samirery sy hanana toe-tsaina hiatraka ffaninanana ireo mpampianatra fanatanjahantena hatramin'ny voalohany taom-pianarana. Faharoa, naho ny nanazava ity mpikambana ao amin'ny F nep ity, fa azo atao tsara ny misoroka ny fiparita-



Ny sasany amin'ireo mpikambana ao amin'ny FNEP.

han'ny aretina Coronavirus mandritra ny fanadinana EPS, satria efa nomanin'ireo mpisehatra sy ny Teknisanina arapanatanjahantena ary ny tompon'andraikitra ara-pedagojika ny fampirindrana ny fikarakaka sy ny zotran'ny fanadinana EPS hiatraka izao hamehana ara-pahasalamana izao. Fahatelo, azo atao tsara ny mampi-rindra ny fanaovana adina fanatanjahantena, mba tsy hanakorontana ny adina an-tsora-tra hoy ny mpitondra tenin'ny F nep, satria efa ela no nanomanan'ny mpisehatra ara-panatanjahantena ny fanadinana EPS, noho izany ny fanao-nan'ny Fanjakana ny datim-pa-nadinana no nandrasan'ny tompon'andraikitra teknika sy ny « Pedagogique » ary ny arapanjakana. Ary ny fahaefatra fa-

rany dia na misy aza ny fandranana ataon'ny fitondrana mikasika ny fifaninanana ara-panatanjahantena izay mamory olona maro, nilaza Andriamatoa Razafindratandra Seraphina, fa ho vitsy ireo olona hiatraka ny fanta-terahanana ny fanadinana ara-panatanjahantena satria ny mpiadina sy ny mpanadina ary ny mpiasan'ny fahasalamana ihany no hifanerasera amin'izany. Namarana ny faneho-keviny ny mpikambana ao amin'ny F nep, fa tsy tonga lafatra eo amin'ny sehatra iraisam-pirenena ny fanadinam-panjakan iray raha tsy misy adina ara-panatanjahantena, ka tokony hampitovian'ny fitondram-panjakana lenta amin'ireo taranja hafa ny Eps.

Franck Razakambelo

## Fitsaboana

## Tsy mankasitraka ny ataon'ny fikambana MAMA ny fikambanamben'ny mpitsabo nentim-paharazana

Tsikaritra ny fisian'ny herisetra sy fifandonana, hoy i Andriamatoa Andriandrainarivo Josephin, Filohan'ny ANTM (Association Nationale des Tradipraticiens de Madagascar), manoloana ny raharaha Orin'asa FITRAMA sy ny fikambanana MAMA. Nano-hy fanazavana ity Filohan'ny ANTM ity, fa efa noesorina tsy ho mpikambana ao amin'ny ANTM faritra Mahajanga intsony tamin'ny taona 2017 ny olona izay mitonona ho mpitsabo mitarika ny fikambanana MAMA (Manandrata ny maha Malagasy,) nohon'ny tsy fanarah-dalana sy ny tsy fanarah-dalana sy ny fitsipi-pitondranta ary ny soatoavina amin'ny fitsaboana nentim-paharazana. Nilaza ny Filohan'ny ANTM fa efa nandefa taratasy eny anivon'ny vadim-tany ny ANTM, mba ham-pitsahatra an'ity olona mitarika ny fikambanana MAMA ity, mba tsy hanatanteraka ny asan'ny mpitsabo, izay ataony ary manao antso avo amin'ny manampahefana ara-pahasalamana ny ANTM, mba handray fepetra mikasika an'ity raharaha ity satria mampisavoritaka ny sain'ny vahoaka ny zavamisy, no sady manaratsy endrika ny fitsaboana nentim-paharazana. Nilaza i Andriamatoa Andriandrainarivo Josephin Filoha nassionaly ANTM, fa manana mason-tsivana mazava tsara ny ANTM, izay vao afaka milaza ny olona iray ho mpitsabo nentim-paharazana. Naho ny fanazavana ity tompon'andraikitra tsy fa tsy maintsy fantatry ny ANTM amin'ny alalan'ny taran-

tasy mianga avy amin'ny Fokontany mankany amin'ny CSB II ary mandalo ny fankatoavan'ny Komity Kaominalin'ny fitsaboana nentim-paharazana izay misy azy ny kandida ho mpitsabo. Aorianan'izany dia tsy maintsy miakatra amin'ny Medecin Inspecteur ao amin'ny faritra misy azy ny antotan-taratasin'ny kandida avy eo dininh'ny Sampandrahaharamparitrin'ny Fahasalamana, izay vao miakatra any amin'ny Lehiben'ny Sampandrahahara ny fitsaboana nentim-paharazana. Nilaza izy fa tsy maintsy anka-

toavin'ny Filan-kevitry ny ANTM no sady ankasisrahan'ny Ministry ny Fahasalamana ny kandida ho mpitsabo iray, izay vao mahazo alalana ara-dalana manao ny asa fitsaboana, no sady afaka manokatra toeram-pitsaboana. Namara ny ny faneho-keviny ny Filohan'ny ANTM, fa miisa 6000 ireo mpikambana aoaminy manerana ny nosy ary Mpitsabo nentim-paharazana miisa 6 monja no nahazo fahazoan-dalana aradalana avy amin'ny Ministeran'ny Fahasalamana. Nilaza izy fa tsy maintsy anka-

Franck Razakambelo

## Mamitiana

## Mampiasa ny talentany ho amin'ny asa fitoriana

Vao teo amin'ny faha-12 tao-nany i Mamitiana no efa niditra mpikambana teo anivon'ny antoko mpihiran'ny Fiagonona Loterana Malagasy (FLM), tany Sakaraha faritra Atsimo Andre-fana. Io dingana voalohany io ihany koa no azo lazaina ho toy no loharano nentin'ity mpitory f-lazantsara an-kira ity, nanovo-zana ireo fahalalana fototra takian'ny fikirikirana ny hira sy mozika izay nataony vatsy sa-robidy ho fanatanterehana ny asa fitoriana an-kira imatesany isanandro vaky.

**Mamita iraka,  
milalao gadona maroloko**

« Iraka avy amin'Andriamanitra no nahatonga ahy tsy hiroarao saina ampiasa manontolo ny talentako ho amin'ny asa fito-

riana, fiderana, fiankohofana ary fijoroana vavolombelona amin'ny maha tsara ny Tompo », hoy i Mamitiana. « Mandehana mitoria ny filazantsara... » lo andalan-tenin'ny soratra masina io rahateo no norasin'i Mamitiana ho teny manentana azy mandrakariva.

Ho fanamorana ny fanatanterehana izany ho an'ny Olombe-lona tsy ankanavaka no nahatonga an'i Mamitiana hamolaka gadona maroloko. Ampahany amin'izany ny bagasy, hiragasy, slow, techno, rock, sns...

Mahafehy ihany koa ny tenim-paritra maro manerana ny Nosy ankoatra ny malagasy ofisialy i Mamitiana, izay tombon-dahiny hatrany ho azy amin'ny fanapari-rahana ny filazantsara eran'ny vazantany efatra. Manan-talentako ho amin'ny famoronana tonon-

kira notakarina avy ao anatin'ny baiboly ihany koa izy.

Ampahany amin'ireo vazo mitaiza fanahy efa voajarin'i Mamitiana ny « Malalany aho », « Misaora an'i Jehovah » ary ny vao mangotraka efa vita rindran-tsavy dia ny « Tsisy miala eo », ity farany izay narindra amin'ny gadona « technon » sa-haza ireo tanora ankehitriny.

Andalam-piketrehana ny kapila mangirana laharana voalohany ho azy ankehitriny i Mamitiana sy ireo mpitendry zavamaneno miisa 05 sy feolahika 04 mpiaramiasa aminy. Mandray tsikera hanatsarana ny zava-bitia i Mamitiana ary misokatra malalaka amin'ny fiaraha-miasa han-beazam-boho hatrany ny asa fitoriana ataony. Tsetsatsa tsy aritra no ilazana fa ankoatra an'i



Mamitiana (ankavia) sy i Prisca zanany vavy, samy mpitory an-kira.

Mamitiana dia mandray anjara mavitrika amin'ny fanatanterehana ny asa fitoriana ihany koa i Prisca, zanany vavy. Izy mia-nakavy izay samy resy lahatra

## NY TENY FIAINANA



"Ary aza mitsara, dia tsy hotsaraina hianareo; aza manameloka, dia tsy hohelohina hianareo."

Lioka 6:37

facebook

NY VALOSOA  
Gazety misioho Intelo Isan-kerinンド VAOVAO

## Fanakatonana orinasan'ny Malagasy : tsy matahotra an'Andriamanitra ny fitondrana Rajoelina

**Arp Helisoa :** fanakatonana orinasan'ny Malagasy, hatraiza ary mandrampahoviana izy ity e? mba misy tahotra an'Andriamanitra ihany ve ity fitondrana Rajoelina ity sa tsia e?

**Ryand Ovin :** mi-defier an'Andriamanitra aza vitan'ity fitondrana tsy mamelin-dRajoelina ity ko!

**Fréderick Andrianantenaina :** manao an'Andriamanitra tsy misy izy reo eh!! Ny vahiny no omena vahana, mpiasa amanjatony maro, mba tsy hilazana hoe an'arivony no ho very asa amin'izao fitadiavana anakatona orinasan'ny Malagasy izao.

**Fafara Romy :** tena tsy rariny e, hita hoe tena fanapahan-kevitra politika. Tena fannenjehana ny filoha Ravalomanana fot-siny izao, nefy ny mpanjifa, sy ny mpiasan'ny orinasa no tena ho voa mafy amin'izao. Izy dia tena mpanangana raha izao, fa Rajoelina sy ny forongony kosa dia tena mpandrava marina: nandoro sy nandroba tamin'ny 2009, izao indray manakatona.

**Zanak'i Gasikara Ofisialy :** tena tsy rariny tsony mihintsy ka, mila mandray fana-pahan-kevitra ny mpomba an-dRavalayo sy ny mpanohitra, ary ny rehetra izay miaro ny orinasa Malagasy sy ny vita gasy.

**Michel Joseph :** isika matory ko, tokony hisy hetsika matanjaka hataeo amin'izay. Vahoaka tsy miteny io, tsy ampoizina ny hampitroatra an'io fa aleo hanao eo ihany reo.

**Tovonanahary Rasolofoharivelox :** ny mpanjifa sy ny mpiasan'ny orinasa no ho voa mafy amin'izao. Iaraha-mahalala anefa fa tena sahirana ny rehetra amin'izao hamehana ara-pahasalamana izao, dia mbola ho lasa sômera indray koa ve ny mpiasa tamin'ireo orinasa hakatona toy ny AAA Magro, ny MBS,... Tsy rariny, sady tsy mety. Famporisihana fanangana orinasa aza no atao amin'izao, fa tsy fanakatonana izany, satria be ny sômera tokony hiasa.

**Lalahery Ranaivo :** ny hampitroatra ny Malagasy mihintsy no tadiaviny e! nefy aleo mailo ihany aloha sao ho samborinny eo koa ny Filoha Ravalomanana.

**Hariniaina Randrianantoandro :** TSY MISY NY HO DORIA E; MISY FARANY

RAHA JIABY!

**Bakoly Ranaivoarivelox :** ka isika anie manaiky foana e! Na hinaonaona faha zato faha arivo eo ary, raharahiny inona? Ny ataony no ataony ary ataony foana. Mila action amin'izay. Na ampihananiny t-sy a- ary ve de ho eo foana. Mila mandinika isika. Mankaleo mihitsy. Mandefitra lava nefy t...sy a....no lerana sy gohana. Sssssssssssssss.

**Feno Julio Anselme :** Andriamanitra tompoko tsy mitaha ny vaka.

**Apollinaire Rakotondrasoa :** fandolana ny seza, sao izy ireo indray no ho tratra toy izao atsy ho atsy. Ny azo antoka aloha, Dada tsy mamaly faty izany fa ny hampandroso ny firenena sy ny va-hoaka no tena tanjony.

**Jaonary Andriamoria :** voan'ny Be Manaiky angamba isika rehetra, na izany aza, mila hetsika amin'izay, tsy voatery ho ny TIM, n any RMDM, fa hetsiky ny vahoaka tsy misy mpitarika mihitsy no ilaina, ary ho avy izany.

**Nivo Rakitriniela :** ny ahy indray vao na-naiky resiny Ravalomanana dia efa note-neniko teto izao. Vava be no azoko tamin'izany dia io izy io. Tsy tokony na-naiky resiny Dada, efa hita fa mpangalabato, tsy tokony nilefitra mihitsy, lasa mandefitra manana ny rariny isika.

**Mialy Randrianarivony :** fanjakan-de-mony no misy. Tsy misy iraharahiny izay Andriamanitra any, Rajoelina aza tsy ni-hiniana tamin'ny baiboly.

**Elia Andriamparany :** misy farany io. Andriamanitra io tena misy!!

**Lalaïna Yeshari :** mitaraina foana isika, tsy misy ketrika mihintsy ve izy ity?

**Jeanne Françoise Razafimalala :** fitondran-devoly sy Mafia no misy amin'izao fotoana, izay tarihan'ny filohan'ny mpamong-panjakana Andry Rajoelina io. Tsy maintsy hisy ny faran'io, tsy haharitra 5 taona izany io.

**Malagasy Noverezina ZO :** miala Rajoelina, izay ihany no tanjona!

**Benja H. Andrianasolo :** resaka Andriamanitra izany tsy hain'ireo e! ny azy dia biza-sa sy fiarohana amin'ny vahiny ihany no efa masaka an-tsainy, izy ireo rahateo, mizaka ny zom-pirenenena Frantsay avokoa.

FIVAROTAN-TENA AMIN'NY ATERINETO

## Tratra ilay ramatoa mpampiasa ireo tovovavy hivaro-tena

**T**ratra ilay ramatoa mpampiasa tovovavy hivaro-tena. Ramatoa iray 25 taona no manakarama vehivavy maromaro hivaro-tena anaty internet na aterinetu. Tao amin'ny fb no nahitan'ireo vehivavy hisa ao aminy ireo. Manana tranokalam-pifandraisana (site web) hifandraisana io Ramatoa io, ka ao izy no misera ireo vazaha mpanam-bola any ivelany ary mandefany sarimihetsik'ireo vehivavy mivantana amin'izay mandefana vola aminy. Ny vehivavy iray dia ha-hazoan'ity Ramatoa ity vola 1 800 000 Ar hatramin'ny 10 000 000 Ar satra voatery manao izay tian' ilay vazaha atao ilay



Ilay ramatoa (afovoany) nampiasa tovovavy nivaro-tena.

tovovavy Malagasy, na tsy mifanaraka amin'ny hasin'ny maha olombelona azy intsony aza izany. Ireo tovovavy manao izany kosa milaza fa lehilahy 05 hatramin'ny 10 isan' andro eo no omen'izy ireo fahafinaretna, ka mahatitra 15min hatramin'ny 30

min eo ny faharetany. Mikarama 200 000 Ar eo ho eo ireto tovovavy ireto isam-bolana. 19 hatramin'ny 24 taona ny salan-taonan 'ireto ankizivavy mpampanova vatania ireto ary indroa isan-kerinandro ihany izy ireo no afaka mody any an-

tranony na dia mbola misy aza ny manohy ny fianaranany. Misy farany avokoa anefa ny zava-drehetra, ka tra-tehaky ny Polisy avy ao amin'ny "Service des enquêtes spécialisées tetsy llafy ilay Ramatoa niaraka tamin'ny ankizivavy miisa 08. Tra-tao an-tranony ihany koa ireo fitaovana hifandraisana amin' ireo vahiny toy ny ordinateur isan-karazany sy modem maro samihafa ary ireo fitaovana hampiasain'ireo vehivavy toy ny sextoys. Efa nampidirina am-ponja vonjimaika any Antanimora ilay Ramatoa ary ireo tovovavy nampiasainy kosa dia efa tafaverina any an-tokantranony avy.

Stefy

Zandarimariam-pirenena

## Nivory tamin'ny alalan'ny visioconférence ireo tompon'andraikitra eran'ny Nosy

Nivory tamin'ny alalan'ny visioconférence ireo tompon'andraikitra ao amin'ny Zandarimariam-pirenena manerana ny Nosy. Notanterahina afak'omaly izany fivoran'ireo tompon'andraikitra ambony misa 83 (Hauts et Grands responsables) eo anivon'ny Zandarimariam-pirenena manerana ny nosy ireo izany. Nitarika ny Jeneral Sekreteram-panjakana miadidy ny zandarimaria (SEG), sy ny Jeneral Komandin'ny Zandarimariam-pirenena (COMGN), ary nandrindra ny fivoriana ny Jeneral Mpandrindra ankapobeny ny asa ara-stratejika (CO-GAS). Niditra sy nifandray mivantana ihany koa ny Jeneral Minisiry ny Fiarovam-pirenena teo ampanokafana ny fivoriana, ka nanome fankasitrhana tamin'ireo ezaka maro nataon'ny Zandarimaria sy toromarika mba hanohizana ireo ezaka efa vita. Tomban'ezaka vita araka ireo tondrozotra



Fivoriana tamin'ny alalan'ny visioconférence, nataon'ireo tompon'andraikitra ao amin'ny Zandarimariam-pirenena.

nomena nandritra ny taona 2020 sy tondrozostra ary toromarika vaovao ho tanterahina no votoatin'ny fivoriana. Loha-hevitra folo no nibhana nandritra fivoriana, ka anisan'izany ny:

- Maha-matihanina;
- Ady amin'ny tsy fandriampahalemana (Halatr'omby, asan-jolahy, zavamahadomelina, mpimasin-dahalo...);
- Fandrindran'asa ma-

homby mipaka amin'ny vahoaka;

- Lentan'ny fiofanana sy mari-pahaizana;
- Sitraka famporishana ireo mpanatanteraka antsehatra;
- Fitantanana arak'asa ireo olom-pehezina;
- Ady amin'ny fiparitahan'ny fitaovam-piadiana; ...

Nandray anjara mavitrika avokoa ireo mpizaika natihana ireo tale eo ani-

von'ny SEG sy COMGN, ireo Komandin'ireo Sekoly, sy ireo Komandin'ny CIRGN ary ny Groupements.

Maro ireo tombontsoa sy antony tsapa tamin'ny fampiasana ny "visioconférence": fitsitsiana fotoana, fampiharana ny fepetra manoloana ny ady amin'ny fiparitahan'ny coronaviru...

Niaina

Miaramila sy fanofanana

## Hihemotra ny fanadinana hidirana amin'ny SEMIPI Fianarantsoa



Ny eo amin'ny vavahady fidirana any amin'ny SEMIPI Fianarantsoa.

Hihemotra ihany koa ny fanadinana hidirana any amin'ny SEMIPI, na ny Sekoly Miaramilam-Pirenena any Fianarantsoa. Noho ny fihemoran'ny daty hanatanterehana ny fanadinana BEPC dia nisy fanitsiana ihany koa ny fifaninanana hidirana ao amin'ny SEMIPI (Sekoly Miaramilam-pirenena) ao Fianarantsoa :

- Fampivondronana : Alatsinainy 28 Septambra.
- Fizaham-pahasalamana : Talata 29 Septambra.
- Hazakazaka 100M sy

1000M : Alakamisy 1 sy Zoma 2 Oktobra.

- Adina psykoteknika (Sampana teknika ihany) : Alatsinainy 5 Oktobra.

- Adina an-tsoratra : Talata 6 sy Alarobia 7 Oktobra.

- Fivoriana famarana : Alakamisy 8 Oktobra.

- Tsy miova kosa ny daty farany fanaterana ny antotan-taratasy fa ny faha 4 Septambra 2020 amin'ny 5 ora hariva ihany, araka ny fanamarahan'ny Ministeran'ny Fiarovam-pirenena.

Aly

Taorian'ny fihibohana

## An-jatony ireo vehivavy tonga teny amin'i Jessica

Dimy volana lasa izay dia marobe ireo vehivavy tonga teny amin'i Jessica mpitsabo eny Mandrosoa Ivato. Tao ireo vehivavy tsy nahazo zaza hatramin'izay, tao ireo tsy nety nahazo zaza mihitsy, tao ireo mba niteraka ihany fa tsy salama sy marofy lava, fa teo ihany koa anefa ireo tsy nety niteraka mihitsy, sns... Santionany ireo, fa ny tena nahatalanjona dia ireo vehivavy nilaza fa tsy nety nahazo zaza mihitsy, ka raha tsy tao amin'i Jessica dia tsy nety niteraka mihitsy. Tao aza ireo vehivavy nilaza fa isaky ny miteraka izy dia na tsy azo ny zaza, na sampona ihany koa. Santionany ireo, fa ny tena olana dia nisy tamin'ireo vehivavy tonga tao aminy no nilaza fa tsy nety niteraka mihitsy nefo nahazo zaza rehefa nokarakarain'i Jessica mpitsabo. Nijoro vavolombelona ireo olona ireo ary nilaza fa raha tsy tonga teny amin'i Jessica mpitsabo dia tsy nivaha ny olana ary tsy nahazo zaza mihitsy raha tsy nokarakarain'ity mpitsabo ity. Tamin'ny gazety hoy izy ireo no nahitany ny nomerao **03387 395 41**, ka rehefa tonga teny aminy izahay dia nokarakarainy ary nivaha ny olana. Ity vehivavy iray ity aza dia nilaza mihitsy fa tsy ny fahazoana zaza ihany no zava-dehibe taminy, fa nisy resaka mosavy ihany koa no nahazo azy, ka sady nahazo zaza izy no notsaboin'ity mpitsabo ity ihany koa. Niaiky izy ireo fa zava-dehibe ho azy ny fanatonany teny amin'ity mpitsabo ity ary mbola nanantenany ireo manana olana ara-piterahana sy ireo vehivavy momba ihany koa.

Ny Akama

Akon'ny fanadinana CEPE

## Nampisakafo ireo mpiadina ireo ben'ny tanàna TIM

Tontosa ny talata 1 Septambra teo ny fanadinana Cepe sy ny fanadinana hidirana, ho kilasy fahenina any amin'ny sekolimpanjakana, ho an'ny faritanin'Antanana-rivo sy Antsiranana.

Efa vava latsaka ny an'Ingahy Filoha ny hoe tanterahina ny 1 Septambra ny fanadinana dia voatery tsy afanahemotra ny ministera mpiahy ,na dia hita aza fa tsy feno ny fepetra niatrehana ny fanadinana, zara raha nahavita ny antsasakin'ny taom-pianarana ny anka-beazan'ny mpianatra , ary mampiomehy fa ny nampiarahana ny fanadinana ho an'ireo faritany roa nampiarahina dia tsy fepetra ara-panabeazana, fa toatao araka ny filaharan'ny abd, tsy nitovy ny fiatehan'Antanana-rivo sy Antsiranana ny valan'aretina, ny an'i Fianarantrao sy Mahajanga ary ny an'i Toamasina sy Tolari, koa miaina ao anatin'ny fahasahiranana tanteraka ny ray amandreny, kanefa dia tsy maintsy nandefy ny zanany niatrika fanadinana , ny eo amin'ny enti-manana notiana hambara.

Nahatsapa ny fahasahiranambahoaka ny Ben'ny tanan'Ampitatafika Rado Rampaaraoelina sy ny Ben'ny tanan'an'Alasora Randriantsoa Jimmy, izay samy voafidy tamin'ny antoko TIM, ka nanome sakao ara-pahasalamana ireo mpiatrika fanadinana Cepe, fihetsika mahate-hidera ny nataon'ireo Ben'ny tanana roalahy ireo.

Mendrika ho tahafin'ny rehetra izao fihetsika mampiseho fitiavan-tanindrazana izao satra ny ben'ny Tanana dia natao hanampy ny mponina ao amin'ny kaomina nahavoafidy azy, fa tsy sanatria handrava ny tsenan'ny mpiray tanana.

Ny Valosoa



Mpiandry  
rahahaha

PHARMACIES DE GARDE  
29/08/20 hatramin'ny  
05/09/2020

- MIARO (Galerie Miaro Ampefiloha), 020 22 621 18
- OCEAN INDIEN (Analakely, avenue de l'Indépendance), 020 22 224 70
- METROPOLE (Antaninarenina), 020 22 200 25, 020 22 675 22, 033 15 200 25, 032 07 101 71
- ANTANIMENA (Imm Santa Antanimena, près Chocolaterie Robert), 020 22 200 00, 032 56 914 77

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopital Befelatana :  
22 223 84 / 22 6 N72 21

Hopital  
Lotera Ambohibao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40  
Jirama:  
Telma : (22)3547 (n° vert) /  
Airtel : 033 35 47 / Orange :  
032 32 3547

Pompiers :  
Tél : 118 / 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1<sup>er</sup> Arrondissement  
Tsaralalana : 22 280 54  
2<sup>nd</sup> Ambanidra : 22 309 46  
3<sup>rd</sup> Antaninandro : 22 291 30  
4<sup>th</sup> Isotry : 22 280 51  
5<sup>th</sup> Mahamasina : 22 280 48  
6<sup>th</sup> Ambohimanarina :  
22 225 52  
7<sup>th</sup> Ha : 22 291 29  
8<sup>th</sup> Analahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho  
intelo  
isan-kerinandro  
Vidiny: 300 Ar  
Adiresy: lot T 70 Ankadindratombo

TALEN'NY FAMOAHANA :  
Rahelisoa A.  
034 79 07600

## MPANAO GAZETY

Politika:  
Isambilo: 033 24 783 65  
Rajo: 033 80 022 53  
Andry Tsialavona 032 07 744 55

Toe-karena :  
Aly : 033 18 382 88

Kolontsaina:  
Aris: 034 17 460 53  
Beharo : 032 02 557 89

Fanantanahantena:  
Lita: 033 41 557 69

Mailaka:  
gvalosoa@yahoo.com  
NATONTAN'NY  
Imprimerie de la RN7

Fametrahana 1061-09-2020  
Isan'ny natonta: 10 000

Tsy azo adika, na alain-tahaka, na  
antsaina ampahibemaso  
raha tsy ahaiza alalanla vita  
soratanana avy amin'ny  
tompony

## HETRA, INDOSTRIA SY VAROTRA

Nakaton'ny fitondrana ihany koa ny  
AAA Magro Fianarantsoa

Nakaton'ny fitondrana ihany koa izao ny AAA Magro Fianarantsoa, eo amin'ny sehatry ny industria, sy ny varotra ary ny fanjifana. AAA Fianarantsoa : ny 24 mey 2018 no nosokafana, dia nakatona omaly indray, noho ny antsojay ataon'ny fitondrana amin'ny orinasa Malagasy. Manaraka ny tetiandrony ny DGI, na ny foibem-pitondran'ny heta araka ny tatintra anatiny (Note aux autorités), ho an'ireo lehibeny, ny sekretera jeneralin'ny ministetan'ny fitanam-bola sy ny tetibola,



Ny orinasa AAA Magro any Fianarantsoa.

fa ny FANAKATONANA ny fanakatonana vonjy TANTERAKA NY AAA no maika mandritra ny 15 andro.

Aly

## Tontolo iainana

## Miha-ripaka ny alan'Ankarafantsika


Miha-ripaka amin'izao fotonia izao ny alan'Ankarafantsika any amin'ny distrikan'Ambato Boeny, any amin'ny faritra Boeny. Iza ny dia noho ny fandorana, na fanapahana ala ataon'ireo olona manodidina, ao amin'ity ala izay mbola azo lazaina fa mikiroka ity. Manoloana izany, misy ny ezaka ataon'ny foko-

nolona sy ny mpitandro filaminana any an-toerana ho fiadiana amin'izany fimbana ala izay. Olona 10 mpandripaka ala no tratra ny miaramila ao amin'ny ZRPS DELTA ny folakandron'ny alatsinainy lasa teo. Tao amin'ny faritra arovana ao Ankarafantsika no nahatratrana azy ireo, raha mbola

teo am-panapahana hazo, ka hamadika izany ho ariana fandrehitra, na saribao. Ny vokatra toy izao no azo dia noho ny fisaoana sy ny fahaiza-manao matihanina asehon'ireo miaramila, notohan'an'ireo fokonolona manodidina ity ala arovana ity.

Aly

BEHARO

Teny tondro (Ny Valosoa Vaovao)  
N° 316

BL = Bory Loha

BR = Bory Rambo

MIV = Mivadika

MIK = Mikorontana

Misy ny teny Malagasy ofisialy sy ny tenim-paritra

Ohatra : Valy = Vady

## Valiny Teny Tondro (0315)

## Mitsivalana

- Mitokona
- Alimo (miv)
- Tenenina
- Tra - DR (miv)
- Tiona - (V)at(a)
- Naka
- Adala - Ar

## Mitsangana

- Metatra
- Ery
- Tontosa
- Ome
- Kintana
- Oly
- Nandaka
- Ratra (miv)

## Resaka vola

Mijotso hatrany ny ariary,  
mananika ny 4600 Ar ny 1 euro

Tsy mitsahatra ny mijotso hatrany ny vola Malagasy ny ariary, raha oharina amin'ireo vola vahiny fampiasa eo amin'ny tsena iraisam-pirenena dia ny dolara amerikana sy ny euro. Hita amin'ny alalan'izay fitotongan'ny Ariary izay fa marary ny toekarena eto Madagasikara. Raha manao fampitahana tao anatin'ny iray, izany hoe ny 02 jolay 2020 dia 1 euro = 4275,52 ariary. Ho an'ny omaly 02 septambra 2020, 1 euro = 4594,54 ariary, efa hananika ny 4600 Ar. Ny antony, tsy i Madagasikara irey no mandalo krizy noho ny fisian'ny valanaretina coronavirus, fa ny ankamaroan'ny firenena maneran-tany dia sahirana avokoa satria tena niaato fotoana maharitra ny famokarana, ary nihena be ny fifanakalozana ara-barotra. Raha vao mihen-danja ny ariary mitaha amin'ireo vola vahiny: dolara sy euro dia hiakatra ho azy ny vidin'entana vidiana any ivelany ary mazava ho azy hiaka-bidy ihany koa ireo entana ireo rehefa tonga eto amin'ny tsena anatiny. Noho izany dia anisan'ny hampiakatra ny vidin-javatra sy ny vidim-piaianana eto amintsika izao fijotsoan'ny san-dan'ny ariary izao.

Aly



Ny sasany amin'ireo vola Malagasy.

## TENY MIFANAPAKA

N° 316

| A  | B | D | E | F | G | H | I | J | K |
|----|---|---|---|---|---|---|---|---|---|
| 1  |   |   |   |   |   |   |   |   |   |
| 2  |   |   |   |   |   |   |   |   |   |
| 3  |   |   |   |   |   |   |   |   |   |
| 4  |   |   |   |   |   |   |   |   |   |
| 5  |   |   |   |   |   |   |   |   |   |
| 6  |   |   |   |   |   |   |   |   |   |
| 7  |   |   |   |   |   |   |   |   |   |
| 8  |   |   |   |   |   |   |   |   |   |
| 9  |   |   |   |   |   |   |   |   |   |
| 10 |   |   |   |   |   |   |   |   |   |

## Mitsivalana

1. Fanatrehana
2. Tsirin-teny (miv) - Antoka
3. Hidin-drano
4. Rano - Androany (miv)
5. Nasondrotra
6. Lera - Manaisotra (miv)
7. Naoty - Fanitarana - Isa romana
8. Hanina (miv) - Tovona (miv)
9. Eo alohanao
10. Tsinjovina, alofana - Heno

## Mitsangana

- Vahoaka mpiara-monina
- Zava-maneno (miv)
- Very - Voaray
- Tolorana - Afapo ara-tsakafo (miv)
- Zanaka aman-jafy
- Menaka (BR) - Fitaovana fitondrana rano (BR)
- Apetrakay - Faranteny
- Notsikeraina
- Nandray (miv)
- Aviavy (miv)
- Voay (miv)

## Valiny Teny mifanaraka 0315

## Mitsivalana

1. Tovovana
2. Rasalama (miv)
3. Ia-nareo - To
4. Aloka - Tsy
5. Ma (miv)
- Vaiavy
6. Moana
7. Seranana
8. Hainareo
9. Taninay (miv) - Si
10. Masina (miv)

## Mitsangana

- Tsia - Mahia
- Alao - AA
- Ranomasina
- E. Kamo (miv) - Neny
- F. Varavarana
- G. Ela (miv) - Nara (miv)
- H. Naoty - Nety
- I. As - Sasao
- J. Vita (miv) - Sa
- K. Aro - Mitafy (miv)

ME OLALA SY ARLETTE RAMAROSON

## Tsy fanakatonana orinasa izao, avereno amin'ny asany ireo mpiasa

**N**oho ny fahitana ny zava-misy eto amin'ny firenena izay tena tsy mandeha manatraka ny lalàna intsony, fa mivaona, dia tsy naharitra intsony ary tsy maintsy nitsangana sy niteny ireo mpahay lalàna roa, Arlette Ramaroson, izay mpahay lalàna iraisam-pirenena, sy Maître Willy Razafinjatovo na i Olala. Anisany lehibe amin'izany ny fandravana ireo ffanarahana nifanaovan'ireo mpivaratra eo Analakely sy ny orinasa Tiko miaraka amin'ny orinasa haino aman-

jery Mbs tamin'ny kao-mina Antananarivo renivohitra. Fifanarahana izay kasain'ny Ben'ny tanàna ravâna fotsiny izao fa tsy te-hahalala izay ffanarahana any. Misy mpiasa marobe very asa ao anatin'izany ary potika ny fiveloman'izy ireo ary lasibatra ao anatin'izany koa ireo fianakavian'izy ireo. Ary tsy ireo ihany no voa fa ireo mpiara-miasa akaiky amin'ny orinasa, raha mikasika ny orinasa Tiko, izay tant-saha mpamokatra maro no mivelona amin'izany.


Io tranga io indrindra no tsy eken'ireto mpahay lalàna roa ireto. Tsy fotoana fanakatonana orinasa ao anatin'izao hamehana ara-pahasalamana eto ami'ny firenena izao, hoy izy ireo. Zo fototra ny asa, zon'ny isam-batan'olona ny miasa, ka tsy marim-pototra ny fanalàna azy ireo amin'ny asany indrin-dra amin'izao fotoana izao. Noana ny olona ary tsy voatandrina ny zony. Manitsakitsaka ny lalàna no misy eto araka izany ary miantsy ny vaomiera misahana ny zon'olombe-

lona izy ireo, fa tena voahosihosy ny zon'olombelona. Hentitra araka izany ny fanambarana nataony, izay nitaky ny famerenana ireo olona ireo amin'ny asany, satria vao mainka mitombo ny olona sahirona. Nanao ny asany ireo mpiasa ireo ary tsy manan-tsin y ka avereno amin'ny asany. Tena voararan'ny lalàna izao ataon'ny Ben'ny tanànan'Antananarivo renivohitra izao, ho an'ireto mpahay lalàna ireto. Nohamafisiny fa tena fanitsakitsahana ny zon'olombelona ny ataony.

Tokony hanontany ny mpahay lalàna ao aminy izy, fa tsy tokony manao-tao foana toy izao. Tany tena tan-dalàna marina ve ny eto?, hoy ihany fanontaniana napetrak'izy ireo. Toy ny fihatsarambelat-siy ihany ny ataon'ny fitondrana raha ny zavamisy. Omena fanampiana amin'ny fizarana zavatra samihafa etsy sy eroa kaneva velesina amin'ny kantona amin'ny fanakatonana orinasa tsy hiasàny sy hivelomany. Miaro ny Malagasy sy ny mpiarabelona rehetra izahay,

hoy izy ireo, ary ny zavamisy no resahinay, fa tsy misy resaka politika. Nokianin'izy ireo ihany koa ny zava-nitranga tany Ambovombe tamin'ny fana-làna ny olona amin'ny toerany an-tery mba hananganana tsena. Toy izany koa ny raharaha nitrangatso Farafangana izay tokony nisy fepetra noraisina aloha fa tsy avy hatrany dia nitifitra ireo voafonja. Marihina, fa anisany ho hataon'izy ireo ny handefataratasy tatitra any amin'ny Firenena Mikambana.

Radafy



## An-tsary misongadina Ny Valosoa Vaovao

Helisoa

Ny Fanaktonana ny AAA Magro Fianarantsoa nataon'ny fitondram-panjakana.

